


說帖

道光十六年分

4894  
01.44E



湖廣司道光十六年分

查例載捕役誣竊為盜有別故例應收禁因而監斃者杖一百流三千里等語此案縣役鄭恩全因承緝熊岱被殺案內兇賊無獲屢受比責鄭恩全探聞烟墩岩洞有匪人藏匿前往查拏將往歇洞內與楊大書通奸之萬氏帶至家內盤問起意教令萬氏將曾經犯竊之楊大書及陳七等供係殺死熊岱兇賊可以搪塞萬氏不允鄭恩全遂拾竹條嚇取並用言嚇逼萬氏畏懼允從帶縣訊問遂即照供將楊大書等

拿獲並起出尖刀三把楊大書旋即在監病故該撫  
以鄭恩全教令妄供楊大書等為殺死熊岱賊賊與  
誣指為強盜者無異惟楊大書等俱係竊匪究與良  
民有間將鄭恩全照誣指良民為強盜者發邊遠充  
軍例上減等擬徒等因咨部查鄭恩全因承緝受比  
教令與楊大書通奸之萬氏誣指楊大書為殺死熊  
岱之兇賊楊大書本屬行竊罪人例應收禁鄭恩全  
教令萬氏誣供為殺人正兇即與誣竊為盜無異楊  
大書既經在監病故自應將鄭恩全照誣竊為盜有



別故例應收禁因而監斃例擬流該撫將該犯比照  
誣指良民為強盜例量減擬徒俱未允協案關罪名  
出入本部碍難率覆應令該撫另行按例妥擬咨部  
到日再議

卷八

直隸司

查例載詐充各衙門差役假以緝捕盜賊為由妄拏  
平人嚇取財物致被詐之人自盡者絞監侯為從減  
一等等語此案袁葛林與陳鳳魁及田興李安興曾  
充廳役悞卯革退均與叨哈起向不認識有廳役李  
大碌奉票竊兇將票遺失被陳鳳魁拾获起意詐充  
廳役緝賊邀功復充遂與袁葛林等商允各帶鉄鍊  
將行竊趙明喜家牛隻之葛里土得勒格拏获有得  
勒格雇主薛士盛說合令得勒格出錢三千賠還牛

價開放袁菖林等希圖分錢將得勒格釋回措錢嗣  
得勒格逃跑無踪向薛士威要人薛士威以得勒格  
為伊工作係叨哈起作保遂邀同袁菖林等至叨哈  
起家要人叨哈起推諉爭論袁菖林氣忿即用鉄鍊  
將叨哈起鎖項嚇稱送官比追詎叨哈起畏緊情急  
乘間自縊殞命該都統以該犯等寔止嚇追逸賊下  
落並無另有圖詐財物情事將袁菖林於詐充差役  
嚇取財物致被詐之人自盡絞候例上量減擬流  
陳鳳魁等擬徒等回咨部本部詳核案情袁菖林與

陳鳳魁假充差役將竊牛之得勒格等挈獲經得勒格雇主薛士威說合釋放維時叨哈起並不在場乃得勒格逃跑無踪之後一經薛士威稱係叨哈起作保傭工該犯等即往將叨哈起鎖項押追已出情理之外况檢閱供招得勒格之妻哈楞吉達與叨哈起同院居住如果該犯等只圖追出得勒格下落自應向其妻哈楞吉達盤詰何以舍其妻於不問而轉向同院居住之人嚇追謂非藉端訛詐殊難憑信且該犯等將得勒格挈獲之時經得勒格許給錢文即行

釋放本局意圖索詐則其將叨哈起拴鎖之時亦必  
意圖索詐尤可概見至差役李大碌等承緝逃兇所  
持差票自應小心收藏何至遺失即使遺失何以適  
入革役陳鳳魁之手更难保無串同訛詐情事案關  
罪名出入本部未便率覆應令該都統飭局另行研  
訊務得確情按例妥擬咨部到日再議

河南司

查審理人命案件必訊明致死根由方可按律定斷  
不得因殺人之犯脫逃遽將現犯懸揣擬罪致滋枉  
縱此案楊陶氏曰嫁與楊春蘭為妻陶氏回歸母家  
旋與工人張苦通奸其父陶進奎等均不知情後陶  
氏復回母家張苦欲將楊春蘭致死與陶氏同逃向  
陶氏商議陶氏不依斥阻從此將張苦拒絕嗣陶氏  
因妹患病回家看望經陶進奎留住楊春蘭亦往探  
病留住即與張苦同鋪歇宿次早張苦以楊春蘭業

已回家向陶進奎楊陶氏告知陶進奎等信寔均未  
理會後陶進奎聞村北港內浮有男屍前往認係楊  
春蘭屍身投報楊陶氏以張苦逃避無踪必係張苦  
謀死當向陶進奎等告知驗訊飭緝張苦無獲該撫  
將楊陶氏依奸夫自殺其夫奸婦雖不知情律擬絞  
監候等因具題臣等查奸夫謀殺親夫之案大抵因  
恋奸起見故謀殺之後或將奸婦拐逃或與奸婦續  
舊亦或因奸婦聞之不依始行避匿從未有殺後即  
逃絕不向奸婦告知者今楊春蘭被搭身死旁無証



佐定案時所以指定張苦為正兇者不過因其逃跑  
無踪惟檢閱原題張苦事後並未將謀殺情由向奸  
婦道及即行逃跑是曰奸謀殺殺後絕無惡奸之心  
已出情理之外况謀殺之案縱跡詭秘徃徃預為卸  
罪地步如果張苦蓄意將楊春蘭致死自應俟其歸  
家後斃之中途使人無可揣測豈有同居一室倉卒  
搭斃絕不慮人指控之理且死者年已二十並非稚  
弱可比即使驟被搭住亦應有撐拒情狀迨搭斃之  
後移屍出外更不能毫無聲息何以家中之人闐然

因覺尤難保無同謀致死捏詞掩飾情事至張苦係  
何處人氏有無親局及棄屍之港詎陶進奎家遠近  
原揭內均未叙及尤局含混案情種種支離呂部未  
便率覆應令該撫另委賢員提同案內人証並嚴追  
張苦親局務獲張苦到案研訊明確按律妥擬具題  
到日再議

江蘇司

查律載聞毆殺人者不問手足他物金刃並絞監候  
等語此案郭三子因與王幘啓口角被罵該犯用拳  
毆傷其右眼眇當即逃跑王幘磬追趕被隣船樁纜絆  
絆跌倒地在樁上墊傷身死該撫以死雖自行跌墊  
罪坐所由固未便將該犯僅科傷罪若竟照鬥殺擬  
絞究與毆傷致斃者有間將郭三子依鬥毆殺人絞  
律量減擬流等因具題 臣等查鬥毆之案或死于被  
毆之傷或同兇犯之追毆以致失跌身死均不能不

坐兇犯以絞抵之罪至與人爭毆之後業經釋手跑  
走死者因自向追趕失跌斃命則事出意料之外與  
鬥殺情形不符故臣部從前辦理似此案件均係酌  
照不應問擬杖責不得概援鬥殺之律今郭三子將  
王幘磬毆傷當即逃跪王幘磬因向追趕被椿纜絆  
跌墊傷致斃死由自向追自跌非郭三子意料所及自  
應援照歷辦成案酌科不應該撫將郭三子於鬥殺  
絞罪上量減擬流殊未允協案關罪名出入臣部未  
便率覆應令該撫另行妥擬具題到日再議

山東司

查犯時不知斃死無服族人本部現于湖南省請示  
案內釐明與犯時不知斃死卑幼一併依凡人定斷  
等因通行各省在案所有車判仔一犯應令該撫查  
照本部通行辦理相應咨覆該撫可也

山  
東  
志

山西司

查例戴充軍常犯至配後如有脫逃係近邊充軍者  
初次枷號一個月調發邊遠充軍等語此案李文喜  
先日行竊拒捕將該犯審照竊盜臨時盜所拒捕未  
經成傷例發近邊充軍食發湖南桃源縣安置今該  
犯在配脫逃被獲該撫以該犯原犯行竊拒捕擬發  
近邊充軍係停發新疆改發內地之犯應於原犯近  
邊充軍罪上加二等調發極邊足四千里充軍係初  
次脫逃枷號一個月等因咨部查李文喜原犯係照

竊盜臨時拒捕未經成傷例擬發近边充軍並非由  
新疆改發內地之犯在配脱逃被获自應按充軍常  
犯在配脱逃之例加一等調發該撫將李文喜加二  
等改發極边足四千里充軍係屬錯誤應即更正李  
文喜應改依充軍常犯至配脱逃係近边充軍者初  
次枷號一個月調發边遠充軍例枷號一個月發边  
遠充軍仍補刺銷毀二字配所看役云云



河南司

查例載和奸之案奸婦因奸情敗露羞愧自盡者奸夫杖一百徒三年又律載斷罪無正條者援引他律比附加減問擬各等語此案周瀾沅與陳三毛通奸圖娶為妻央詹文達作伐未允嗣詹文達與陳三毛為媒許字喻堂為妻陳三毛囑伊不可往來該犯途遇詹文達觸起不允作伐之嫌又因陳三毛將其踈浚先後將詹文達陳三毛砍傷致陳三毛因奸情敗露羞愧自縊身死該撫將周瀾沅依和奸敗露奸婦

羞愧自盡例擬徒等因本部查向來奸婦羞愧自盡之案正須奸夫與奸婦通奸或被人撞破或醜釁外揚奸婦因無顏對人短見輕生即應坐奸夫以城旦之罪致奸夫因續奸不遂逞兇致傷奸婦以致奸婦羞忿自盡雖不得遽科因奸威逼之條亦應酌量加重問擬以示區別今周瀾沅先與陳三毛通奸後因圖娶不遂將不允媒說之詹文達並陳三毛先後砍傷以致陳三毛羞愧自盡其情自較尋常因奸釀命之案為重該撫將周瀾沅依例擬徒未免情浮於法

之舉為重言據將周瀾沅應改依和奸之案奸婦  
自應酌量加等科斷周瀾沅應改依和奸之案奸婦  
因奸情敗露羞愧自盡者奸夫杖一百徒三年例酌  
加一等杖一百流二千里到配折責安置餘均如該  
撫所咨完結

清華  
學  
報

安徽司

查例載曰爭鬥擅將鳥鎗竹銃施放殺人者以故殺論又律載故殺者斬監候又例載共毆之案原謀監斃在獄准其抵命將應絞之犯減等擬流其火器殺人照律擬抵不得率請減等各等語此案鄒金明聽從劉金華糾毆劉元林洩忿該犯攜帶鉄銃因被劉元林之子劉成明追逐情急用銃抵禦不期失手鉄銃掉地震動火繩轟傷劉成明身死該撫以該犯先雖用銃抵禦而抵禦之時並未震動火繩其震動火

繩係由鉄銃掉地所致與歷辦成案介在兩岐斬絞  
難於懸擬如將該犯照鬥殺擬絞此案原謀劉金華  
業已監斃火器殺人應否照例減流咨部示覆等因  
本部查火器殺人之案如係有心施放或爭鬪之時  
持銃抵格觸動火機因而殺人均應按例以故殺論  
斬惟負銃被人毆打以致誤觸火機或負銃脫逃失  
跌銃發致斃人命均係思慮難周猝不及防方准照  
鬥殺擬絞罪名各有區分引斷客豈牽混今鄒金明  
銃傷劉成明身死因由鉄銃掉地震動火繩所致惟

先經用銃抵禦豈不知銃內裝有火藥可以震動傷人况該犯係聽糾尋致其携銃前往之時已蓄施放傷人之心與誤觸火機一時思慮難周偶致殺人者不同自應依例擬斬案關火器殺人雖原謀在監病故不准減等相應咨衆該撫詳核案情速飭審擬具題到日再議

新  
集  
卷  
一



湖廣司 通行

查名例律載本應罪重而犯時不知者依凡人論本  
應輕者聽從本法又例載事主目賊犯黑夜偷竊登  
時追捕毆打致死者杖一百徒三年各等語此案隴  
有發係隴老有共曾祖總麻服叔父已分居隴老有  
因貧起意行竊乘夜潛至隴有發門首撬開竹壁進  
房竊得衣裙因誤拉木廂穀响隴有發驚覓料係竊  
賊黑暗中順取木棍連毆傷其右肩甲左後脇隴老  
有携贓逃出隴有發追至門外復用棍毆傷其右後

隴有發

脇倒地隴有發之妻麻氏點灯照看始知係隴老有詎  
隴老有傷重越四日殞命該撫以隴有發起捕時在  
黑夜事出倉卒寔屬犯時不知應依例擬徒如照尊  
長毆總麻卑幼至死本律問擬罪應絞候第生死出  
入未便草率定斷是否卑幼毆期功尊長曰其服制  
攸關故照本律問擬夾簽釁明若毆死總麻尊長及  
無服族人並有服卑幼均仍照犯時不知以凡論之  
處例無明文咨部示覆等因查卑幼疑賊毆死期功  
尊長之案向均依律擬斬夾簽不准援犯時不知之

尊長之案向均依律擬斬決發不決杖一百  
條者原以杜狡卸而重倫常至尊長捕賊毆死卑幼  
與卑幼干犯尊長迥不相同自難置犯時不知之律  
於不論今隴有發回總麻姪隴老有黑夜竊伊衣裙  
倉猝出捕毆打致死寔屬犯時不知按凡人登時毆  
死竊賊之例罪止滿徒若曰其死係卑幼反予加重  
擬抵不足以昭平允所有隴有發一犯應令該撫研  
究明確按例妥擬咨部到日再議再該撫所稱毆死  
總麻尊長及無服族人應否照犯時不知以凡論之  
處查總麻服制雖較期功為輕而其為尊長則一是

以嘉慶二十四年本部核覆江西省嚴久榮案內業  
經聲明致死總麻尊長如係疑賊誤殺或曰鬥誤殺  
致斃者悉照致死尊長本律擬罪毋得率引犯時不  
知之律等因通行各省在案該撫自可查照辦理至  
族人既無服制遇有犯時不知誤殺至斃之案自應  
與犯時不知致死畀幼一併依凡人定斷以昭畫一  
相應咨覆該撫並通行各直省一體遵照可也

廣西司通行

查例載曾經考察考核被劾人員若懷挾私忿據拾  
察核官員別項贓私不干已事奏告以圖報復者不  
分現任去任文武官俱革職為民已革者問罪奏告  
情詞不問虛寔立案不行等語是被劾人員懷挾私  
忿據拾考察官員別項贓私奏告以圖報復定例原  
局不問虛寔立案不行惟近來各省遇有局員被劾  
據拾上司贓私互相稟揭之案該督撫回其所控非  
關倉庫錢糧即係營私骫法若一概不問虛寔立案

上諭

不行不足以折服局員之心故往往一經互揭即將該員等分別奏請革職解任審明辦理茲據該御史奏稱山東文登縣典史孫立中擅受濫押經該縣毆文查明稟揭該典史即以該縣科派倉穀等情揭報一案當奉

從嚴審辦現在尚未奏覆竊念近年佐雜擅受釀命之案紛紛不一其僅止擅受未至釀命者斷不可謂無其事然州縣從不以此上聞督撫從不以此入告何也蓋州縣職司較煩非循良出色之員難保其盡

何也蓋州縣職司較煩非狃自出色之員  
無訾議而此等佐雜劣員一經被劾自知咎戾莫追  
益復肆無忌憚或牽扯拖累巧為開脫之計或捕風  
捉影暗施傾軋之謀其處心積慮但得兩敗俱傷已  
足少抒怨毒而被累之員縱使層層昭雪業已焦頭  
爛額由是而挾制之局成由是而擅受之害莫敢發  
覺不至釀命不止矣議請將被劾之員揭告原叅上  
司一併立案不行或事體較重不容寢置亦必另案  
察辦勿令同時被譴等因係為申明舊章滌除積習  
起見應如所奏嗣後凡計典甄別及一切緣事被劾

人員除所告之事即係被劾之事應准其呈明辦理  
外其有被劾之後懷挾私忿擴拾察核官員別項款  
跡控告以圖報復者仍照定例不問虛寔立案不行  
即所控之事關係重大不容寢置該督撫亦止可於  
立案不行後嚴密察訪另行究辦毋得同時叅處致  
啓挾制瞻循之漸如蒙

俞允

臣部通行各省督撫一体查照至現在山東文登縣  
典史孫立中與該縣歐丈互揭一業業經該撫分別  
叅奏奉



參奏奉

旨交該撫提集人証確切審訊應令該撫仍遵照前奉

諭旨審明分別辦理所有臣等核議緣由謹恭摺具

奏請

旨

月  
日  
日

江西司

查律載為婚而女家冒妄者杖八十男家冒妄者加一等已成婚者離異註云謂為男有殘疾却令弟兄冒妄相見後却以殘疾男成婚之類又例載嫁娶違律應行離異者與其夫及夫之親屬有犯如係先奸後娶或私自苟合或知情買休雖有媒妁婚書均依允人科斷若止係同姓及尊卑良賤為婚或居喪嫁娶或有妻更娶或將妻嫁賣娶者果不知情寔係明媒正娶者雖律應離異有犯仍按服制定擬又律載

江蘇  
卷之四

罪人不拒捕而擅殺者以鬥殺論又鬥殺殺人者不問手足他物金刃並絞監候各等語此案王氏年甫十六朱文銘妻故探知王氏少艾欲娶為妻因年近四旬恐女家嫌其年大囑朱均才等為媒瞞為二十四歲王氏之父王遺芳欲相看再許朱文銘起意冒妄以伊侄朱慕膺少年清秀令朱均才等帶往相看許配迨朱文銘迎娶王氏過門王氏見朱文銘並非少年後經詰知冒妄情由歸向其父哭訴王遺芳以事已錯誤勸解轉回村斥朱文銘不應冒妄騙娶從

事已錯誤勸解轉回村斤朱文銘不應冒妄馬娶

此不睦朱文銘遇事即將王氏苛責折磨嗣朱文銘  
自外醉歸復取酒自酌并稱撻要將王氏打死王氏  
飲泣朱文銘飲醉上床睡卧令六歲幼婢冰雪搥腿  
王氏憶及朱文銘欺妄騙娶並歷被凌虐一時悔恨  
莫遏起意致死乘朱文銘睡熟冰雪在旁打盹即尋  
取麻繩將一頭拴在床後門格上一頭由朱文銘咽  
喉繞轉項頸執住繩頭用力拉勒登時殞命該撫以  
詐冒騙取成親即屬婚姻不得其正律應離異並無  
夫婦名分可言揆諸知情買休者尤為詭譎按照允

人定斷似無輕縱第例內究未指明引擬恐有錯誤  
咨部示覆等因本部查嫁娶違律應行離異者與其  
夫有犯除例內載明同姓及尊卑良賤為婚等項俱  
係鄉愚不諳例禁准其仍照服制定擬外其餘均應  
依允人科斷此案朱文銘欲娶王氏為妻恐王氏家  
嫌其年大令侄朱慕膺前往相看迎娶過門係屬冒  
妻為婚按律應行離異雖此等應行離異婦女與其  
夫有犯應否照服制定擬例內未經指明第愚冒妻  
為婚係屬有心欺騙迥非鄉愚不諳例禁者可比其

為婚係屬有心欺騙迥非狼惡不計何替

被騙婦女殺死豈能復按服制科斷况向來謀故殺  
死誣騙財物罪人均照擅殺問擬絞候今朱文銘設  
計將王氏騙娶本屬有罪之人婦女以名節為重該  
氏被騙失身較之被騙財物者其情尤為迫切如果  
殺由忿激並無起衅別故自應即依擅殺律定擬惟  
案關謀殺有無別情仍應令該撫嚴審確情按律妥擬  
具題到日再議

海  
島  
記



直隸司

查例載竊盜計贓計次計人數問擬軍流各犯除係  
直隸州所屬向例由道審轉者仍由該管各道審轉  
毋庸解司及各道所轄直隸州離道較遠仍照舊章  
徑行解司外其餘各廳州縣概將人犯解該管府廳  
州縣審轉具詳由司覆核專案請咨毋庸轉解司道  
勘轉倘犯供翻異即由該管府廳州就近查提質訊  
或發回另審若內有關係拒捕干碍叅處之案仍分  
別解司解道以昭詳慎倘承辦之員有故勘及捏飾

情弊以致案犯申訴冤抑仍令各督撫嚴行究叅提  
省審辦等語此條例文係本部上年奏明纂定原為  
刪繁就簡起見茲據該督咨稱竊盜計贓計次計人  
數問擬軍流各犯例載不一若不逐條指明恐承讞  
各廳州縣審辦舛錯轉致往返駁飭徒煩案牘所有直  
隸省嗣後審辦竊盜案件除積匪猾賊仍照舊例  
辦外其有尋常竊盜計贓罪應軍流一項及三犯竊  
盜計贓問擬軍流一項又奴僕雇工人偷竊家長財  
物照竊盜律計贓定斷罪在軍流以上一項又各居

物照竊盜律計贓定斷罪在軍流以上一項又各月

無服親屬相盜財物計贓罪應擬流一項並竊盜於  
得免併計之後因竊問擬軍流徒罪在配釋回不知  
悛改連竊三次以上同時並發照積匪猾賊定擬一  
項及竊盜遇

赦得

免併計三犯擬流復遇

恩赦

釋放如再犯竊仍以三犯科斷一項並尋常竊盜問

擬軍流徒罪在配在逃行竊審係一二次及三次問  
擬軍流一項及回民行竊結夥三人以上執持器械  
罪應擬軍一項並窩藏竊盜三五名以上及窩留積

匪分別問擬軍罪兩項訊無關係拒捕干碍處分者  
除係直隸州所屬向例由道審轉者仍由該管各道  
審轉毋庸解司外其餘應令承審各廳州縣概將人  
犯解由本官府廳州審轉具詳由司覆核專案請咨  
毋庸轉解司道勘轉倘有犯供翻異及承審之員有  
故勘及捏飾情弊以致案犯申訴冤抑均照定例遵  
行等因本部詳核各條俱係計贓計次計人數問擬  
之犯自應照例毋庸轉解司道勘轉相應咨覆該督  
可也

可也

山東司

查例載因爭鬥擅將烏鎗施放殺人者以故殺論又律載謀故殺人而候殺旁人者以故殺論又弟毆胞兄故殺者凌遲處死各等語此案朱開泰因胞兄朱開基與同庄之張李氏通姦該犯屢向斥阻不聽嗣該犯攜帶烏鎗出外緝私回歸撞見張李氏復至朱開基門首該犯嚷罵張李氏回言該犯順點烏鎗向張李氏轟打張李氏趨避遠未開基聞聲趨出致候傷其額頰等處身死查烏鎗殺人例應以故殺論謀

朱開泰

故殺人而誤殺旁人亦應以故殺論自應照故殺胞  
兄律定擬應如該撫所題朱開泰合依謀故殺人而  
誤殺旁人以故殺論故殺胞兄者凌遲處死律凌遲  
處死該撫疏稱傷由誤中死出不虞不特與寔在故  
殺期親尊長者不同即與有心干犯毆死期親尊長  
者情尚有間定例子孫誤殺祖父母父母致死律應  
凌遲者准予援案請

旨恭

候

欽定

今該犯朱開基用烏鎗轟人而誤殺胞兄按律雖應

欽定  
今該犯朱開基用烏鎗轟人而悞殺胞兄按律踰應

凌遲較之子孫悞傷祖父母父母致死者情節更輕  
子孫悞殺祖父母父母律應凌遲原其殺由于悞例  
得援案請

旨則  
期親界幼悞殺胞兄律應凌遲者似可循照辦理應  
于疏內聲明恭候

欽定  
等語查罪犯凌遲援引白鵬鶴隴阿候二案敬請之  
例係專指子孫悞殺祖父母父母者而言其餘不得  
濫行援引至弟用烏鎗轟打他人悞殺胞兄身死罪  
應凌遲雖無教請援減之例惟核與界幼悞傷期親尊

長至死罪干斬決者情事大約相同自應比照夾簽  
聲明所有該撫比照援案聲請之處應毋庸議該撫  
疏稱張李氏云

夾簽

查例載界幼悞傷尊長致死罪干斬決審非逞兇干  
犯仍准叙明可原情節夾簽請

旨等

語此案朱開泰因胞兄朱開基與同庄之張李氏通  
姦該犯屢向斥阻不聽嗣該犯攜帶烏鎗出外緝私  
回歸撞見張李氏復至朱開基門首該犯嚷罵張李



回歸撞見張李氏復至朱開基門首訪犯囑罵張李

氏回言該犯順點烏鎗向張李氏轟打張李氏趨避  
遠朱開基聞聲趨出致候傷其額頰等處殞命核其  
情節傷由候中死出不虞並非有心逞兇干犯既據  
該撫于疏內聲明相應比例夾簽恭候

欽定

山  
新  
語

江西司

查名例律註載事犯在未經定例之先仍依律及已行之例定擬若例應輕者照新例遵行等語此案江顯庭挾嫌毀搶李芳春店物捆捉勒贖係道光十三年四月間之事在道光十四年四月奏改捉人勒贖新例之先所有江顯庭一犯應如該撫所咨仍依舊例擬軍毋庸照新例加發新疆至該撫咨稱粵東捉人勒贖之案前因一時權宜懲創海疆而加重江省似可毋庸援照辦理以後江省捉人勒贖並無凌虐

重情者可否仍照閩粵舊例依充惡棍徒分別首從  
軍徒抑或即照粵東新例首犯擬發新疆為奴從犯  
發極邊足四千里充軍之處彀明聽候核示等因查  
江西省捉人勒贖之案向來俱照閩粵二省定例辦  
理今閩粵二省新例既經奏明加重未便辦理兩歧  
應令該省嗣後遇有捉人勒贖之案如事犯在定例  
以後者即照閩粵二省新例定擬以照畫一餘如所  
咨完結

直隸司

查例載蒙古與民人交涉之案凡過門毆拒捕等事該地方官與旗員會訊明確如蒙古在內地犯事者照刑律辦理如民人在蒙古地方犯事者即照蒙古例辦理又蒙古地方搶刦案件如俱係蒙古人專用蒙古例俱係民人專用刑律如蒙古與民人夥同搶刦核其罪名蒙古例重于刑律者蒙古與民人俱照蒙古例問擬刑律重于蒙古例者蒙古與民人俱照刑律問擬各等語茲按該都統咨稱蒙古偷竊四項

牲畜與刑律偷竊牛馬各條罪名輕重懸殊民人偷  
竊民人牲畜之案因其在蒙古地方犯事即照蒙古  
例定擬較諸糾夥搶奪之民人科罪轉重似與情法  
未甚允協查熱河地方本係蒙民雜處交涉案件不  
一而足若非將舊例互相比核劃清界限援引易滋  
歧誤應咨部將嗣後民人在蒙古地方行竊民人之  
案應否照蒙古例辦理抑或仍照刑律科斷核明示  
覆等因查蒙古全賴游牧為生故定例偷竊四項牲  
畜較內地為重至民人在蒙古地方均係開種地畝

畜較內地為重至民人在蒙古地方均係開種地畝

及往來貿易與蒙古之專恃牲畜為生計者不同若  
民人偷竊民人牲畜之案因其在蒙古地方犯事即  
照蒙古例定擬轉較糾夥搶奪者科罪為重于情法  
未得其平應如所咨嗣後民人在蒙古地方行竊民  
人牲畜之案俱照刑律內盜馬牛畜產例辦理以昭  
平允相應咨覆該都統仍先知照理藩院並通行直  
隸山西陝甘奉天等省暨察哈爾等處各督撫府尹  
將軍都統一體遵照辦理可也

古物新編  
卷之六



直隸司

查律載鬥毆殺人者不問手足他物金刃並絞監候  
又共毆人致死下手致命傷重者絞監候各等語此  
案景千因見胡兆年被總麻弟胡兆申索欠爭毆胡兆  
申用木棍將胡兆年戳傷該犯上前解勸左手奪  
住胡兆申木棍右手將胡兆年攔開胡兆年由該犯  
身後繞至胡兆申身旁稱欲拚命該犯莫圖拉開順  
用右手揪拉一時忙亂失手揪住胡兆年褲襠致將  
胡兆年莖物腎囊揪傷殞命該督以該犯傷由悞揪

死出不虞惟鮮起強拉非耳目所不及第無爭鬥之  
情未便科以鬥殺之律將該犯于鬥殺人絞罪上酌  
減擬流等因具題臣等查人命案件業經訊明致  
死情由即應按律擬抵不得曲為開脫致與定律不  
符今景千見胡兆年與胡兆申爭毆上前拉勸雖無  
幫毆之心惟因胡兆年復向胡兆申拚命用手向胡  
兆年揪拉即不得謂無爭鬥情形其揪傷胡兆年莖  
物腎囊身死自應依共毆人致死律擬絞該撫將該  
犯于鬥殺上量減擬流殊屬輕縱且詳核案情該犯

犯于門殺上量減擬流殊屬輕縱且詳核案情該犯

拉勸之時並未彎身向下即使用手揪拉亦應傷在  
上身何以遽能揪及腎囊是其所供一時忙亂失手  
尤難憑信案情既未確實引斷亦未允協罪閔生死  
出入臣部未便率履應令該督另行研訊務得確情  
按律妥擬具題到日再議

書  
卷  
之  
一

陝西司

查律載官司差人勾攝公事及捕獲罪人聚衆中途打奪聚至十人為首者斬監候為從各減一等其率領家人隨從打奪者止坐尊長若家人亦曾傷人者仍以凡人首從論又名例律載共犯罪者以造意為首隨從者減一等若一家共犯止坐尊長侵損于人者以凡人首從論共犯罪而首從本罪各別者各依本律首從論又犯罪自首其損傷於人得免所因仍從本殺傷法又例載聞拏投首之犯除律不准首外

其餘俱於本罪上減一等各等語此案回民虎七因  
拜欣于同馬彥青等行竊犯案拜欣于因與虎七有  
嫌捏供夥竊經縣專差秋魁將虎七馬彥青等獲添  
差轉解虎七恐至縣受累起意糾人奪放即密囑  
馬喚兒令其歸告伊兄虎六糾眾中途打奪馬喚兒  
歸向虎六告知虎六即糾允回民老馬四等一共十  
五人各執器械前往中途等候比差役秋魁等押解  
虎七馬彥青行至該處虎六等上前喝令解放秋魁  
等不依溫振武隨用虎尾鞭毆傷秋魁左腿倒地虎

等不依溫振武隨用虎尾鞭毆傷秋魁左腿倒地虎  
六即將虎七項鎖扭脫馬三鎖亦將馬彥青項鎖扭  
落分赴虎七聞拏畏罪赴縣投首該前撫以律例並  
無胞弟被官司差人捕獲畏累起意囑兄糾衆中途  
打奪作何治罪明文應否照官司差人中途打奪之  
律以凡人首從定擬抑或依尊長率領家人隨從打  
奪之例坐虎六以為首之處咨部示覆等因本部查  
一家共犯律內明言侵損於人者以凡人首從論劫  
因律內亦明言率領家人打奪止坐尊長若家人亦  
曾傷人仍以凡人首從論可見尊長雖有專制卑幼

之義而一經侵損於人則不能復援一家共犯止坐  
尊長之律至劫囚律所稱以凡人首從論一語即係  
指造意為首隨從減等而言非謂無論造意不造意  
均科尊長以為首之罪畀幼以為從之罪也今虎七  
被拘起意信知伊兄糾衆打奪雖係一家共犯惟糾  
往之人拒傷差役即屬侵損於人自應照律以造意  
之虎七為首聽從之虎六為從該犯虎七聞拏投首  
按聚衆十人打奪律減等罪止擬流該犯虎六按為  
從律亦罪止擬流自應各依回民聚衆及鬥殺本律



從律亦罪止擬流自應各依回民聚衆及鬥殺本律

例從重科斷相應行文該撫按律妥擬具題到日再  
議

阿彌陀佛  
阿彌陀佛  
阿彌陀佛

山東司

刑部為移會事內閣抄出山東道監察御史陶 奏  
清查各部存卷以防抽竊一摺道光十六年九月初  
四日奉

上諭

御史陶士霖奏請飭派司員清查部存卷案以防抽  
竊一摺著內閣六部理藩院都察院議奏欽此旋准內  
閣移稱各衙門應如何議定章程移會本處以便會  
議具奏等因查本部為刑名總匯案卷浩繁一切稿  
件均于辦結行文後分別題奏咨申逐件編列號數

換次攢積為束存貯各司並造具號簿摘叙簡明案由遇有應查之件先閱號簿按號抽查用畢仍行歸號歷久相沿辦理嗣本年二月間本部因十八司堆積稿件過多倘有應查事件恐無頭緒每司遴派司員二人給限兩月令其督飭書吏將歷年稿案詳細清查按照四季每季一色其遠年事件令本司彙存封記存貯大庫近年事件仍令查明封記存貯各司以備查考茲批該御史奏請揀派司員掌守檔案並令逐細清查不得因卷案浩繁畏難退阻查清後編

今逐細清查不得因卷案浩繁畏難退阻查清後編

記號簿于一股分為何事何類再于一類分為何年何月等語因為慎重部務起見惟是本部收貯案卷向來章程尚屬周密近復遴派司員逐細清理分別存貯不特無虞抽竊亦且遇事可以詳查未便如該御史所奏再分事類轉致溷淆至該御史所奏遇有兩歧之案隨時呈堂折衷以定去存其應去者逐案撤銷永杜歧混等語查本部辦理一切案件事雖已結而原稿則不能不存以備查如問擬斬絞人犯秋審時核定寔緩並查辦減等時核明准減與否以及問

擬軍流徒罪人犯脫逃為匪均應詳查犯事原案分別辦理勢難因其涉事兩歧遽行撤銷以致漫無稽考況本部定擬罪名均以律例為憑即間有律例不能賅載者亦儘可引律比附加減定擬其未經通行之案尚不准率行牽引是陳案縱有參差辦理無虞歧溷所有該御史請將兩歧之案查出撤銷之處應毋庸議相應移會內閣典籍廳查核以便會奏可也

湖廣司

查例載聞挈投首於本罪上減一等科斷等語此案  
司書羅兆沅因貴州省委員鍾標錦運解京鉛在湖  
北守風因運費不敷稟請藩司借銀該犯假以使用  
名色誑騙銀一百兩鍾標錦聞知正擬具稟達藩司  
訪聞查究該犯聞知畏懼即將原銀退還旋被獲集  
該獲撫將該犯依例擬軍等因查詐欺取人財物而  
於事主處首服律得自首免罪知人欲告而於事主  
處首還律得減罪二等今該犯退還原贓已在訪聞

查究之後因與免罪及減二等之律不符惟聞拏畏  
懼將贓給主衛情寔與聞拏投首無異自應減等問  
擬羅兆沅應改依聞拏投首減一等例於指稱各衙  
門打點使用名色誑騙財物發近邊充軍例上減一  
等杖一百徒三年到配折責安置餘如所咨完結



直隸司

查例載盜掘金銀礦砂計贓准竊盜論若在山洞捉獲持仗拒捕者不論人數砂數多寡及初犯再犯俱發極邊遠充軍若殺傷人為首者照竊盜拒捕殺人律斬不曾拒捕若聚至三十人以上者不論砂數多寡及初犯再犯為首發近邊充軍為從枷號三個月照竊盜罪發落若不曾拒捕又人數不及三十名者為首初犯枷號三個月照竊盜罪發落再犯亦發近邊充軍為從者止照竊盜罪發落又產礦山場山主違

欽定大清會典事例  
刑部  
盜賊  
五

禁勾引礦徒潛行偷挖者照礦徒之例以為首論得財者計贓准竊盜從重論各等語是匪徒盜掘礦砂及山主違禁勾引定例內均有治罪明文茲批該都統奏稱熱河等處聚眾挖砂之案其初多由蒙古地主得錢包庇縱復夥同偷挖獲利朋分因而匪徒特為護符肆行盤踞欲防民之聚集必先禁蒙古之招留請將招留之蒙古加等治罪等因係為因地制宜起見應如所奏嗣後蒙古地方有盜挖金銀礦砂者除首從各犯仍按例分別定擬外其得錢招留之蒙

除首從各犯仍按例分別定擬外其得錢招留之蒙  
古地主均于盜挖礦砂為首各本罪上加一等科斷  
罪止極邊烟瘴充軍至該都統奏稱嗣後如有民人  
偷挖金砂地方官不行嚴拿者將地方官議處蒙古  
偷挖金砂並得錢招留民人扎薩克不行嚴拿者將  
扎薩克議處等語

直  
利  
之  
心

奉天司

查律載辜限內因原毆之傷死者以鬥毆殺人論註  
云如打人頭傷風從頭瘡而入因風致死之類等語  
此案張廷煥因陶文尚與得海之妻那氏通姦得海  
知情貪利縱容嗣那氏復與鄭榮姦好隨與陶文尚  
拒絕陶文尚氣忿邀同張廷煥等前往尋衅張廷煥  
等攜帶鉄銼踰開得海屋門陶文尚將得海按在坑  
上得海苦罵張文尚用鉄銼毆傷得海左右脊背用  
脚踢傷其左後而散得海因傷處受風身死該將

卷之三

軍以得海因風身死在十日以內將張廷煥依同謀共  
毆人致死下手致命傷重律擬絞監候等因咨部本部查  
因風身死之案係專指風從傷處而入者而言若傷  
未皮破風即無從而入自不能舍致死之由於不問  
概援因風之例致滋含混今張廷煥用鉄銼毆傷得  
海左右脊背並用脚踢傷左後脇檢閱屍格該犯毆  
踢各傷均止青黑青紅並未破損斷無進風之理乃  
該將軍因原驗已死得海有口眼歪開形狀輒謂為  
因風身死將張廷煥照共毆之死律擬絞監候殊未

因風身死將張廷煥照共毆之死律擬絞監候殊未

允協案關罪名出入本部未便率覆應令該將軍另  
委賢員究明致死根由按律妥擬咨部到日再議

新編  
卷之  
一



陝西司

查律載殘毀他人死屍及棄屍水中者各杖一百流  
三千里毀棄總麻以上界幼死屍各依凡人遞減一  
等毀棄子孫死屍者杖八十又非理毆殺子孫者杖  
一伯非理毆子孫之父至死者杖一百徒三年又服  
圖內載長子婦期年各等語此案周繼善之妻趙氏  
因子媳李氏貪懶不聽管教將李氏踢傷身死周繼  
善問悉情由恐報案受累將李氏屍身擦棄河內漂  
失無獲該督將趙氏依非理毆子孫之婦至死者杖

一百徒三年周繼善依毀棄子孫死屍者杖八十續  
據該督檢出歷辦成案咨部並以翁棄媳屍例無專  
條應否按期功分別科斷抑與子孫同論咨請核示  
各等因本部查子孫之婦係屬義合非若祖父母父  
母之子子孫有屬毛離裏之恩故律科毆殺子孫婦  
之罪較子孫加嚴至毀棄畀幼死屍雖與毆殺不同  
但本條律內止將子孫提明而不及子孫之婦原係  
已括於按服遞減之內自不得與毀棄子孫死屍同  
擬以杖八十今周繼善將長子婦李氏之屍撩棄水

中無獲自應依毀棄界幼死屍律按服制遞減於凡人棄屍水中滿流罪上遞減四等杖七十徒一年半餘均應如該督所咨辦理

15  
16  
17

河南司

查律載子毆父者斬等語此案蘇潮滋染患瘋病時發時愈伊父蘇平令其赴地拾柴回家蘇潮滋瘋病復發順取菜刀跳舞蘇平攔奪蘇潮滋用刀砍傷蘇平左脚踝並刀背毆傷蘇平右腳腕前批該撫于蘇平傷未平復之先將蘇潮滋依子毆父無論傷之輕重即行奏請斬決等因具題經臣部查子毆父無論傷之輕重即行奏請斬決之例係指有心干犯者而言如子因瘋毆父傷經平復應按律擬以斬決仍將

旨飭

可原情節於疏內聲明具題奉

下九卿核擬改為斬候其被毆之傷未經平復未便先行奏請斬決致與有心干犯者毫無區別駁令該撫查訊蘇平被毆之傷曾否平復再行按律辦理等因去後茲批該撫查驗明確蘇平所受各傷均已平復惟右腳腕一傷骨已損折行走不能如常將蘇潮滋依律擬斬立決覈明並非有心干犯等因具題臣等核其情節蘇潮滋毆傷伊父係由瘋發無知並非有心干犯惟倫紀攸關仍應按律問擬應如該撫所題

蘇潮滋合依子毆父者斬律擬斬立決照例刺字云

蘇潮滋

六  
南  
三



陝西司

查道光十年六月間本部議覆伊犁將軍奏緣坐幼  
孩及歲時分別改撥摺內聲明嗣後緣坐幼小子女  
准令隨母安插年十三歲時即由該家主呈明另行  
改撥等因奏准遵行在案茲據該副都統咨稱緣坐  
逆屬男犯牙和普經伊主呈報現已年十三歲查  
該犯係同母發遣到配雖非一主名下為奴實係同  
族或毋庸改撥或改撥何處或改撥別族之處咨部示  
覆等因查緣坐男犯年至十三應呈明改撥係專指

牙和普

隨母安插與伊母同在一主名下為奴而言若本係  
各主自毋庸另行改撥致滋煩擾今牙和普雖與伊  
母同在一旂惟並非一主名下為奴即非聚集一處  
者可比現據伊主呈明該犯年至十三自可毋庸改  
撥應令該都統仍飭該犯家主將該犯嚴行管束相  
應咨覆該都統可也

廣東司

准步軍統領衙門片稱據宣武門城門領呈報發下廂  
紅旂蒙古保海佐領下永遠枷號人犯長安在本門  
看守現在該犯雙目失明不能行走等情相應咨報  
等因查長安係阜城門門軍因於道光八年與門領  
張仙保爭鬧毆傷張仙保額顱等處審依軍士毆傷  
本管五品以上長官流二千里律上從重發往駐防  
當差奉

旨改為永遠枷號常川遊示九門茲據步軍統領衙門咨

報該犯雙目俱瞽已成篤疾查該犯係永遠枷號人  
犯應由大理寺核辦相應片行大理寺並知照步軍  
統領衙門可也

江西司

查名例律註載事犯在未經定例之先仍依律及已行之例定擬若例則輕者照新例遵行等語此案賴八一仔等捉禁無服族人賴聯芳勒贖並賴聯芳事後因病自縊身死前據該撫審擬將賴八一仔等擬以軍流咨部經本部因案情未確駁令覆審另擬茲據該撫審明賴八一仔糾同賴長生仔捉禁賴聯芳勒贖得贖後旋即放回並無凌虐情事賴聯芳之自縊委因氣痛舊病復發所致並非窘迫輕生自應仍

賴八一仔

料該犯等以捉人勒贖之罪惟賴八一仔等事犯在  
未經奏改新例之先新例重而舊例輕應仍依舊例  
定擬賴八一仔應仍照捉人勒贖舊例發極邊足四  
千里充軍到配折責安置賴長生仔仍依原擬流業  
已病故應毋庸議餘如所咨完結

福建司

查例載糾衆發塚起棺索財取贖未經得財者首犯  
比依強盜得財律擬斬立決從犯俱比照強盜情有  
可原例發遣等語此案林勁糾同童返等挖林驟  
祖母及林助母骸希圖勒贖尚未得財該撫將林勁  
擬斬立決係屬照例科斷業經病故應毋庸議至聽  
從同行之童返該撫依例擬遣復聲明該犯聽從挖  
骸二次應聽候部議查該犯童返聽從挖骸勒贖未  
經得財如果已至三次自應從重依為從開棺三次

例擬絞今訊止二次按起棺勒贖未經得財之例並無為從二次應加重治罪明文豈可於例外復議加重所有童返一犯除為從開棺二次罪止擬軍輕罪不議外應依發塚起棺索財取贖從犯俱比照強盜情有可原發遣例發新疆給官兵為奴業經病故應毋庸議餘如該撫所咨完結云



雲南司

查律載謀叛但共謀者不分首從皆斬知而不首者杖一百流三千里謀而未行為首者絞為從者不分多少皆杖一百流三千里等語此案楊汶才妄冀赴邊外占地滋事商令蘓鍾汶妄刻偽璽刷出印式字形已成且混書太子隨身等字實屬狂悖不法與謀叛已行無異蘓鍾汶聽從刻寫狼狽為奸厥罪為均該督將該二犯均依謀叛不分首從皆斬律擬斬立決恭請

王命

正法情罪尚屬允協至案內郭二一犯於楊汶才刻刷  
璽紙先未與謀迨楊汶才借寓其家告以欲赴小朝  
滋事該犯為之占卜擇日許以相幫查該犯所擇之  
日楊汶才並未遵依起事即所稱相幫之語亦係空  
言實屬謀叛未行按謀叛未行為從律罪止擬流即  
為其事在邊境情節稍重亦止可從重問擬新疆為  
奴已足以昭懲創該督將該犯依謀叛未行為首律  
擬絞是以聽從之犯科以造意之條核與定律不符  
其王正倫一犯雖為楊汶才妄解簽憂聽囑不首惟

並無夥謀情事自應即依知而不首律擬流該督將  
王正倫問發新彊亦係律外加重案閔罪名出入臣  
部未便率覆應令該督按律另行妥擬具奏到日再  
議該督奏稱楊汶才供云

楊汶才

諭交館等因職等查例載流罪人犯中途在配脫逃被獲  
原犯流二千里者改為流二千五百里原犯流二千  
五百里者改為流三千里初次枷號一個月二次枷  
號兩個月三次枷號三個月照例改發又免死減等  
流犯脫逃被獲者改發近邊充軍尋常流三千里人  
犯脫逃被獲改發附近充軍各按照脫逃次數分別  
枷號又充軍常犯至配脫逃係附近充軍者初次枷  
號一個月調發近邊二次枷號兩個月調發邊遠三  
次枷號三個月調發極邊烟瘴其本犯近邊邊遠者

各以次遞加調發各等語是軍犯與流犯在配脫逃  
分別枷號調發定例各有專條引斷豈容牽混今楊  
五胡小得二犯前次脫逃係在流配茲於改軍之後  
復行脫逃自應按照軍犯初次脫逃例枷號調發若  
謂其前次曾經脫逃應併計作為二次是將軍犯脫  
逃與流犯脫逃二條牽合為一核與定例不符況軍  
流人犯脫逃加枷之例均至三次而止並無四次以  
上作何加枷明文今將二例牽合為一設遇有流二  
千里人犯於三次脫逃改軍之後復行脫逃又將何

以處之至本部上年因河南省辦理烟瘴充軍人犯  
脫逃枷號錯悞核正通行與此等人犯並無干涉該  
司議請併計枷號之處應毋庸議再外遣到配不決  
杖而五軍則例應決杖歷年由外遣改發內地充軍  
如積匪猾賊及竊賊數多罪應滿流之類不一而足  
一經改發內地即屬軍犯向均照軍犯之例到配折  
責安置至例內問擬軍罪各條大半無杖一百字樣  
不獨軍犯脫逃一條為然是以另有問擬五軍俱于  
引律出語內聲明至配所杖一百之統例司讞者自

應遵循例定斷况軍犯未經到配中途脫逃係照軍犯  
在配脫逃之例辦理今若因例內未經聲明不予決  
杖則本應到配決杖之軍犯轉因脫逃調發得運其  
滿杖之罪殊不足以昭懲創所有逃軍楊五胡小得  
謝位詳三案職等查核罪名均屬相符應請照覆至  
該司辦理既屬兩歧應由該司隨時更正是否仍候  
鈞定後交司存記

湖廣



江蘇司

查律載因聞毆而誤殺旁人者以聞殺論又聞毆殺  
人者不問手足他物金刃並絞監候各等語此案邱  
阿蟾駕船進城探親見楊銀大等船隻在前行駛邱  
阿蟾因回家路遠用力急划欲搶過楊銀大船隻致  
槳水潑進楊銀大船內濺濕楊毛氏等衣服楊毛氏  
喊罵邱阿蟾回詈楊聽觀用篙將邱阿蟾船隻鉤住  
楊銀大楊毛氏趕至船頭向邱阿蟾爭毆邱阿蟾拖  
拉楊毛氏過船欲毆致將楊銀大船隻拉翻在船之

人一齊落水經邱阿大等撈救詎楊彩姐及妹楊愛姐被溺斃命該撫以該犯因爭毆而誤斃楊彩姐等一家二命若竟照毆死一家二命例擬以絞決殊覺情輕法重且楊彩姐等死由於溺更與誤毆致死者有間似仍應照因聞毆而誤殺旁人律擬絞監候惟例無明文未便率定理合咨部示覆等因本部查因聞毆而誤殺旁人一家二命雖例無作何治罪明文惟謀故殺一家非死罪二人例應斬決梟示謀故殺一人而誤殺旁人一家二命例止斬決不與謀故殺一

家非死罪。二人之例同科。則因聞而誤殺旁人一家。二命之案。自不得竟照毆死一家二命例。定擬致與寔在毆死一家二命者無所區別。今邱阿蟾因與楊毛氏爭毆。致將楊彩姐楊愛姐誤溺致斃。係因聞而誤殺旁人一家二命。自應從一科。斷仍照因聞毆而誤殺旁人以聞殺論律擬。以絞候。方與情罪相符。所有邱阿蟾一犯。應令該撫飭屬審擬。按律妥擬具題。到日再議。

江蘇

陝西司

查律載謀殺造意者斬監候從而加功者絞監候又  
本謀殺一人而行者殺<sup>三</sup>人不行之人造意者斬又例  
載謀殺人而誤殺旁人如係一家二命擬以斬決免  
其梟示毋庸酌斷財產又嫁娶違律應行離異者與  
其夫有犯如係先姦後娶或私自苟合或知情買休  
雖有媒妁婚書均依凡人科斷若止係同姓及尊卑良  
賤為婚或居喪嫁娶或有妻更娶或將妻嫁賣娶者  
果不知情寔係明媒正娶者雖律離異有犯仍按服

制定擬又蒙古例載內地民人不准聘娶內外扎薩  
克等處婦女如有私行婚嫁者婦女離異歸宗將主  
婚之蒙古並違禁之民人枷號三個月杖一百各等  
語此案毛口肯係蒙古板尖爾什之女民人張名富  
欲將毛口肯訂娶與伊子張隨正兒為妻又稔知蒙  
漢不准為婚難央媒說即親向板尖爾什之母口  
什也也商議並許給財禮口什也也應允即向板尖  
爾什告知板尖爾什用言阻止口什也也以業已  
應允不依板尖爾什迫於母命無奈允許張名富即迎

娶毛口肯與張隨正兒成婚嗣毛口肯回往母家有  
先與毛口肯之嫂保託琥通姦之阿色代見毛口肯少  
艾亦與調戲成姦阿色代通姦情熟起意將張隨正  
兒毒死即竊取板尖爾什燠羊剩信給與毛口肯令  
其拌在飯內適張隨正兒患病稍痊欲食稠飯毛口  
肯將飯煮就取出毒藥撒入飯內張隨正兒五歲之  
弟張四正兒見飯索食張隨正兒另取小碗撥給半  
碗張四正兒取食毛口肯在旁著急因恐敗露不敢  
聲張詎隨正兒張四正兒被毒殞命該部員以民

人娶蒙古之女為妻致被毒斃蒙漢律例俱無明文  
蒙古例內雖載有離異專條並無與其夫有犯作何  
治罪之文應請部示等因查嫁娶違律按律均應離  
異而嘉慶十四年續纂例內則有依凡人科斷及仍  
按服制定擬之分檢查修例按語內稱同姓及尊卑  
良賤為婚等項雖亦應離異然鄉曲愚民不諳例禁  
似此婚娶之事所在多有既係明媒正娶婚姻之禮  
已成夫婦名分已定未便因違例嫁娶之輕罪而置  
夫婦名分於不論倘有與親屬相犯即應照已定名



分各按服制定擬等語可見律應離異有犯仍按服制定擬者係專指愚民不諳例禁而又實係明媒正娶者而言今該犯婦毛口肯係屬蒙古已死張隨正兒係內地民人蒙民為婚例內應行離異如果實係愚民不諳例禁而又明媒正娶有犯尚可照服制定斷乃張隨正兒之父張名富稔知蒙漢不准為婚既非不諳例禁可比而又未央媒說私向毛口肯祖母議定迎娶成婚亦與明媒正娶者不同有犯自未便仍照服制科斷致與例意不符所有因姦聽從姦夫

謀毒張隨正兇身死之毛口肯自應即照凡人謀殺  
加功律擬以絞候至阿色代一犯因姦謀毒張隨正  
兇並致下手之毛口肯誤毒張隨正兇之弟張四正  
兇各身死係屬一謀一誤例無殺死一家二命一謀一誤  
作何治罪明文查本謀殺一人而行者殺三人按律  
罪止擬斬今阿色代止欲謀殺張隨正兇一人其下  
手之毛口肯誤斃其弟非意料所及若竟照殺一家  
非死罪二人之例科以斬梟是較之謀殺一人而行  
者殺三人之案罪名反重不足以昭平允自應酌量

問擬阿色代應照謀殺人而誤殺旁人如係一家二  
命擬以斬決免其梟示例擬以斬決應令該部員速  
飭審明按例妄擬報部到日再議

陸西  
司

湖廣司

查律載毆殺同堂大功弟妹小功堂姪者杖一百流  
三千里又例載本夫本婦有服親屬捉姦殺死犯姦  
卑幼之案如非登時而殺無論謀故各按服制於毆  
殺卑幼本律例上減一等如殺係登時按其毆殺本  
罪在滿徒以上者即於捉姦殺死凡人滿徒上減一  
等如毆殺本罪亦止滿徒應通減三等足擬各等語此  
案左秉覺因姪女左二妹與林老六通姦後林老六  
回籍左二妹親往送行經左二妹之夫杜玉霖聞知

送行晴由將左二妹送回追問有無其事左秉覺因  
伊兄左秉彛溺愛庇護心懷不甘當衆向左二妹說  
出姦情起意將左二妹送官洩忿即用繩套住左二  
妹項頸拉走致勒傷其項頸行至河邊左二妹不肯  
行走左秉覺拉繩拖走左二妹往後掙扎左秉覺脫  
手左二妹站立不穩落河溺斃該撫以左秉覺係左  
二妹期親胞叔今左二妹已嫁杜玉霖為妻降服大  
功若照毆殺大功卑幼至死者絞是降服一層罪加  
二等未免有失定律本義且查毆死大功弟妹小功

堂姪總麻姪孫均止擬流其叔毆殺出嫁姪女較大  
功弟妹等項更親與別項大功卑幼不同杜玉霖將  
左二妹送回追問並未休棄亦非被出可比似應照  
毆殺同堂大功弟妹杖一百流三千里惟親屬捉姦  
殺死犯姦卑幼原例登時上本有姦所二字後奉節  
刪是否刪去姦所二字凡有親屬捉姦止論是否登  
時不論應否姦所例內並未明晰指出引用殊難懸  
定應咨請部示等因本部查親屬捉姦殺死犯姦卑  
幼如殺係姦所則以捉姦論殺非姦所則不得以捉

姦論是以本部於嘉慶六年修例時按語內聲明親屬捉姦與本夫不同不在姦所不得以捉姦論奏准將原例內姦所二字刪去在案今左秉覺因查知出嫁姪女左二妹與林老六通姦起意送官洩忿用繩將左二妹拴繫拖走致左二妹落河溺斃是起衅雖因捉姦而捉獲並非姦所自不得照親屬捉姦殺死犯姦卑幼之例減等科斷惟查左秉覺係左二妹期親胞叔例內毆在室期親姪女至死罪止滿徒今左二妹雖經出嫁降服大功究與別項大功卑幼不同



若竟照尊長毆大功卑幼至死例擬絞是因有降服  
一節遂由滿徒加至縲首且以毆死出嫁胞姪女之  
案較之毆死大功弟妹擬罪為重殊不足昭情法之  
平所有左秉覺一犯應即比照毆殺同堂大功弟妹  
律杖一百流三千里應令該撫速飭審擬咨部到日  
再議

法  
廣  
寺

貴州司

查例載殺一家非死罪三四命以上者兇犯依律凌遲處死若被殺之家寔係絕嗣將兇犯之子年未及歲者送交內務府閹割奏明請

旨分賞十六歲以上者仍照前例發極邊足四千里安置又反逆案内律應問擬凌遲之犯其子孫訊明寔係不知謀逆情事者無論已未成丁均解交內務府閹割發往新疆等處給官兵為奴至其餘律應緣坐人犯並非逆犯之子孫年在十六歲以上者發往新疆

黃金萬

等處給官兵為奴如年在十五歲以下者牢固監禁  
俟成丁時再行發遣各等語茲據該撫咨稱黃金萬  
係黃章美之子黃章美謀死老楊一家六命被殺之  
老楊業已絕嗣黃金萬例應閹割查新例內所稱其  
餘律應緣坐男犯並非逆犯之子孫年在十五歲以  
下監禁成丁時再行發遣是否專指反逆案內律應  
緣坐之親屬而言抑係殺一家非死罪三四命以上  
緣坐犯屬年屆成丁亦應一體發遣毋須閹割未奉  
分晰指明今黃金萬係謀死老楊一家六命兇犯黃

章美之子係律應緣坐男犯並非逆犯之子孫是否  
俟年屆成丁再行發遣抑應查照原案解交內務府  
閹割之處相應咨部示遵等因咨部查律應緣坐男  
犯並非逆犯之子孫發遣新彊為奴免其閹割之例  
係專指反逆案內律應緣坐之同居伯叔兄弟而言  
若殺死一家三四命以上致被殺之家絕嗣其兇犯  
之子年未及歲應解交內務府閹割請

旨分賞已有定例可援不得牽引反逆緣坐之例致滋糾  
輾今黃金萬係殺死老楊一家六命兇犯黃章美之

黃金萬

子查明被殺之老楊業已絕嗣黃金萬年未及歲例  
應將該犯解交內務府閹割請

旨分賞應令該撫遵照原案將該犯解交內務府照例辦  
理相應咨覆該撫可也

浙江司

查例載誣良為竊之案如綑縛嚇詐逼認致令自盡者擬絞監候至疑賊捆縛拷打致令自盡者杖一百流三千里等語此案孫俊因陳小貨行走慌張知其曾經私竊雇主張榮剛家食米等物即行拉住搜有當票疑係竊贓希圖破獲送官邀勑復即用麻繩縛住兩手向其盤問因未承認將陳小貨縛繩解放閣在灶房陳小貨被誣不甘用厨刀自刎咽喉斃命該撫以該犯孫俊雖屬革捕邀功究無嚇詐情事况陳

小貨先曾犯竊本與良民不同若將孫俊照誣良為  
竊捆縛嚇詐致令自盡例擬絞似覺情輕法重律  
例又無將舊匪僅止捆縛盤問致令自盡作何治罪  
明文可否即于誣良為竊捆縛嚇詐逼認致令自盡  
擬絞例上量減擬流抑或仍應擬絞俟秋審時再行  
衡情辦理之處若部(喪核)等因本部查誣竊致斃人  
命之案從前舊例內原有死係良民或死係舊匪之  
分迨道光六年本部奏請酌改誣竊擬竊罪名一摺  
內稱所誣之人果係良民自較誣指舊匪為重此等



卽秋審案內皆可臨時酌核分別辦理定案時毋庸  
預分差等等因嗣後遇有誣竊捆縛致令自盡之案  
無論死者是否良民均按照現行定例問擬絞候卽  
謂其情卽寔有可原亦祇可俟秋審時分別核辦豈  
容遽議減等致與定例不符今孫俊係屬卑捕希圖  
邀功復卽將曾經犯竊之陳小貨捆縛盤問致令陳  
小貨被誣不甘身死如果陳小貨形迹寔有可疑該  
犯並非有心誣陷尚可照疑賊捆縛拷打致令自盡  
之例擬以滿流若誣竊屬寔則死者雖係舊匪亦應

清江書

將該犯照例問擬絞候應令該撫研究明確按例要  
擬咨部到日再議

四川司

查律載罪人不拒捕而擅殺以聞殺論又聞毆殺人者不問手足他物金刃並絞監候又例載本夫登時捉姦誤殺旁人姦夫當時脫逃者除本夫照誤殺旁人律擬絞候外將姦夫杖一百流三千里各等語此案歐連伸因李潮有係伊妾板得思滿嫁母阿忠之家長歐連伸與吉添祥夥開油房吉添祥與板得思滿通姦被歐連伸撞見心疑盤問板得思滿不認歐連伸即與吉添祥分夥後板得思滿至阿忠

適吉

歐連伸

添祥路遇進內續被阿忠與李潮有撞見不依吉  
添祥許幫食用阿忠等應允嗣歐連伸聞知疑惑因  
板得思滿未歸往探從窓縫窺見板得思滿與吉添  
祥在床行姦踢門進內喊捉吉添祥奪門逃跑歐連  
伸追拏不獲轉回欲拉板得思滿送究板得思滿欲  
逃歐連伸拔刀向戳板得思滿閃避不期李潮有從  
後攏勸歐連伸收手不及誤戳傷其右腿帶劃左手  
指倒地殞命該督以歐連伸誤戳之李潮有係容止  
罪人與誤殺無干之人不同將歐連伸於擅殺罪人

絞候律上量減擬流並以吉添祥與板得恩滿通姦  
本夫既不照捉姦誤殺旁人例科斬亦應止科姦罪  
等因其題臣等查本夫捉姦誤殺旁人本夫擬絞姦  
夫擬流例內旁人二字所包甚廣凡姦夫姦婦而外  
律應擬抵者皆是非必無干之人始謂為旁人也今  
歐連伸捉姦誤殺之李潮有雖係容止伊妻姦宿罪  
人究非姦夫姦婦可比不得謂非旁人且容留通姦  
律止擬杖該該犯激於義忿將其刃戮致斃不能不  
照擅殺擬絞則將其誤傷致死亦不能不照誤殺擬

絞即可隅反乃該督以毆連伸所殺係客止罪人與  
誤殺旁人不同將毆連伸量減擬流並將姦夫吉添  
祥止科姦罪均屬輕縱罪閔生死出入臣部未便率  
覆應令該督另行按例妥擬具題到日再議

直隸司

查律載官吏受財計贓科斷有祿人枉法贓八十兩  
寔絞監候又例載監臨恐嚇所部取財准枉法論若  
知人犯罪而恐嚇取財者以枉法論又律載稱監臨  
者內外諸司統攝所屬有文案相關涉及雖非所管  
百姓但有事在手者即為監臨又恐嚇取人財者計  
贓准竊盜論加一等免刺又稱准枉法論罪止杖一  
百流三千里各等語此案張景彥因該縣地方出有  
土哨起意囤販漁利經其堂弟張立傑等查知赴都

司蕭廷翼衙門首告蕭廷翼前往將硝起獲張景彥  
畏懼託其表兄張舒太向蕭廷翼說合許銀七百七  
十兩時該營千總程連差竣回署聞知即將張景彥  
鋪夥兵丁董秉德傳至署內究問恐嚇揚言查拿究  
辦張景彥復託張舒太轉託兵丁劉金印向程連說  
合給銀四百二十八兩旋將贓銀陸續交清完結該  
督以都司蕭廷翼係該民人張立傑首告到官事權  
在手自應依監臨知人犯罪而恐嚇取財計贓以枉  
法定擬千總程連於民人張景彥本非所統屬既無



法定擬千總程連於民人張景彥本非戶籍在民人

人向其控告又未奉上司差遣管領似不應以監臨  
論核其情節寔為恐嚇取財抑或仍照官吏得受枉  
法賍律擬絞罪名輕重懸殊咨部核示等因查文武  
職官於地方民人應否依監臨論總以有無事權在  
手為斷今張景彥係民人程連係營千總千總雖無  
管理民人之責惟民人私販硝磺本汎武弁例應查  
拏故一經失察武弁處分與文職處分從同不得謂  
無事權在手該千總聞知張景彥私販土硝如果寔  
係本汎地方即應查拏乃不行查拏反向嚇詐多賍

豈能寬其枉法之罪應令該督研訊確情並查明張  
景彥私販土硝是否在該千總本訊地方分別按例  
妥擬到日再議

湖廣司

查例載軍民人等買食鴉片烟者杖一百枷號兩個  
月仍令指出販賣之人查拏治罪如不將販賣之人  
指出即將食烟之人照販賣為徒例杖一百徒三年  
等語茲據該御史奏請將兵丁吸食鴉片烟另議條  
例從重治罪固為整頓營伍起見惟是用刑必期適  
當而定例不容輕更軍民人等買食鴉片烟從前舊  
例本係杖一百枷號一個月嗣於道光十一年經前  
任兵科給事中劉光三條奏交臣部酌議請將買食

湖廣

鴉片烟者改為杖一百枷號兩個月並將不能指出  
販賣之人者從重問擬杖一百徒三年旋於上年十  
二月間纂入例冊進

呈仰蒙

欽定 頒行各直省在案是軍民人等買食鴉片烟罪名已  
屬由輕加重今若另議條例不特重之又重且以逋  
經奏准頒行之例忽議更張亦非一成不易之道况  
欲禁兵丁吸食鴉片烟不在罪名之從重而在辦理  
之認真如果有犯必懲按照現行定例或擬滿徒或

之認真如素有犯必懲按照現行定例或本行  
擬枷杖革去軍伍則鵠形鵠面之徒自不致溷跡行  
間而訓練可漸期得力若惟事姑容不加懲辦則立  
法雖嚴終屬有名無寔於操防仍無裨益所有該御  
史奏請從重治罪之處應毋庸議至所稱如何責成  
該管將弁之處相應請

旨飭下各督撫將軍提鎮等嚴飭各將弁於所屬兵丁寔  
力稽查遇有吸食鴉片烟者立即拏送地方官按例  
分別懲辦不准稍涉迴護若漫無覺察或徇庇不拏  
別經發覺即將該管將弁嚴行叅處以肅營伍所有

湖廣

臣等核議緣由理合恭摺具

奏請

旨

臣

河南司

查例載圖財害命得財而殺死人命者首犯擬斬立決又律載馬牛駝羸之類須出隴園乃成為盜已成盜者依律以得財科斷各等語此案王成玉因向堂妹夫之母王氏借錢王氏無錢回覆並留王成玉住宿王成玉見屋內養有驢頭王氏年老無力起意將王氏勒死牽驢賣錢乘王氏睡熟走近床前王氏驚起查問王成玉將王氏按倒磕傷上下唇吻王成玉解下腿帶捆住王氏兩手王氏喊叫王成玉抓傷其

額額又用布帶自王氏項頸繞轉咽喉兩手分執帶頭用力拉勒王氏立時氣絕身死王成玉牽驢開門正欲逃走經隣人聞聲踵至王成玉棄驢逃逸旋被拏獲該撫將王成玉依圖財害命未得財例擬斬監候等因具題臣等查圖財害命案關重大自應究明已未得財按例分別定斷不得將得財之案僅科未得財之條致滋輕縱今王成玉因見王氏屋內養有驢頭起意將王氏勒死牽驢賣錢如果王成玉勒死王氏之後尚未將驢頭牽出圍圈固可照圖財害命



未得財例擬以斬候若業經牽出圍則已成為盜  
按圖財害命得財而殺死人命例即應問擬斬決乃  
該撫並未將王氏所養驢頭有無圍及王成玉殺  
人之後已未將驢頭牽出圍之處詳細聲明輒因  
其棄驢逃逸遽將該犯依圖財害命未得財例擬以  
斬候殊屬含混罪關斬決斬候出入臣部未便率覆  
應令該撫研訊明確按例另行妥議具題到日再議

法華經

江蘇司

查律載夫毆妻至死者絞監候又他物傷人者限二十日平復又例載聞毆傷人辜限內不平復延至限外若他物傷限外十日之內果因本傷身死情正事寔方擬死罪奏請

定奪各等語此案湯瀾池因母劉氏令伊妻鞏氏幫同簸麥不允該犯向斤鞏氏頂撞該犯順取木棍毆傷其兩腿右膝因其撲撞該犯復用棍戳傷其穀道毆傷其兩腿兩膝及連脚面潰爛殞命該護撫將湯瀾池

江蘇  
依毆死妻律擬絞監候等因具題臣等查湯瀾池於  
道光十五年八月二十日用木棍將鞏氏毆傷延  
至九月十三日因傷潰爛身死八月係屬大建計越  
二十一日已在他物傷保辜正限二十日之外餘限  
十日之內檢閱原驗屍格並無骨損骨折之傷自應  
依例問擬死罪奏請

定奪隨案減流死係不孝有據之妻秋審應入可矜例得  
減二等發落乃該護撫原題內並未聲明辜限輒將  
該犯問擬絞候殊屬含混罪閔生死出入臣部未便

該犯陪撈總役歿命計勇陪公外出入  
率覆應令該護撫查明鞏氏之死是否在辜限之外  
詳細聲叙妥擬具題到日再議

清  
魚  
記

湖廣司

查例載烟瘴少輕人犯在配脫逃改發極邊烟瘴極  
邊烟瘴脫逃者仍改發雲貴兩廣極邊烟瘴充軍<sub>加</sub>  
號三個月又名例內載改發雲貴兩廣極邊烟瘴人  
犯仍照舊例完發烟瘴外其本例應發四省烟瘴地  
方充軍人犯均以極邊足四千里為限分別刺字如  
有脫逃亦各照本例分別治罪又由烟瘴改發極邊  
人犯面刺烟瘴改發四字各等語又嘉慶十九年江  
蘇省以極邊足四千里人犯在配脫逃即當完發烟

瘴落部請示本部查烟瘴少輕改發極邊足四千里  
之犯脫逃被獲既非新疆改發之條久不在寔發四  
省之列自應按照應發極邊烟瘴人犯仍以四千里  
為限若謂仍發四千里轉似加等虛文不知協號刺  
字易地調發即屬加等且將來再有脫逃即發遣新  
疆不得謂並無加等該撫請將四千里軍犯脫逃加  
等寔發烟瘴之處應毋庸議咨覆在案此案蔣幅鬼  
因聽從龔大結盟依年少居首聚眾四十人以上為  
從例發雲貴兩廣極邊烟瘴充軍定案時以四千里



為限發陝西省安置中逃脫逃該撫將蔣幅憲依烟  
瘴少輕人犯脫逃例加枷號一個月改發雲貴兩廣  
極邊烟瘴充軍仍以極邊足四千里為限咨部經本  
部以該犯係例應改發雲貴兩廣極邊烟瘴之犯毋  
庸再限道里等因咨覆茲批該撫援引嘉慶十九年  
江蘇省請示之案並道光八年通行咨請部示本部  
查嘉慶十九年江蘇省請示案內議今仍以極邊足  
四千里為限係專指本例應發極邊足四千里人犯  
在配脫逃而言若本例應發雲貴兩廣極邊烟瘴定

案時以四千里為限之犯係由烟瘴改發與本例應  
發極邊足四千里人犯不同遇有脫逃向係照極邊  
烟瘴脫逃例發新疆當差嗣于道光六年調劑新疆  
遣犯案內將此等人犯改為仍發雲貴兩廣極邊烟  
瘴充軍加枷號三個月例內業有明文自應遵照辦  
理今蔣幅愚一犯係由烟瘴改發極邊足四千里定  
案時應面刺烟瘴改發字樣中途脫逃自應照極邊  
烟瘴脫逃例定斷該撫將該犯枷號一個月改發極  
邊烟瘴充軍仍以足四千里為限是以極邊烟瘴軍

過烟瘴充軍仍以足四千里為限方以杜二州逃  
犯脫逃牽引烟瘴少輕軍犯脫逃之例係屬錯誤應  
即更正蔣幅憲應改依極邊烟瘴軍犯脫逃例仍發  
雲貴兩廣極邊烟瘴充軍加枷號三個月照例刺字  
到配俟枷號滿日杖一百折責安置至該撫所引本  
部道光八年通行係專為

赦後  
復犯應加等治罪者而設與軍犯脫逃並無干涉相  
應咨覆該撫可也

